

SONNIOS DE PIZZINNA

Cando,
 alas de neula
 costoini sa realidade:
 sonnios tuos de pizzinna
 azzenden' sa lughe
 de su primu manzanu.

Ammentos truncados
 da-e sas umbras
 de sa notte,
 ti suguzzan sa mente
 che paza a su 'entu.

Caminas...
 lebia e ispantada
 in su mundu 'e sas ideas;
 navigas...
 in sas undas de sa fantasia.

Tando,
 rodulan...
 sos sonnios
 che boccias coloridas.

Sas manos tuas
 abbramidas de amore,
 accoglini...
 su mudimine
 de atteras nottes.

Sos ojos abbertos...
 a sa lughe
 de atteros manzanos,
 persighin sa vida,
 e comente ispadas istinchiddantes,
 marranan' su destinu...

SOGNI DI FANCIULLA

*Quando, / ali di nebbia / celano la realtà, / sogni tuoi di fanciulla / accendono
 la luce / del primo mattino. / Ricordi frantumati / dalle ombre / della notte, / ti
 scuotono la mente / come paglia al vento. / Cammini... / leggera e meravigliata
 / nel mondo delle idee; / navighi... sulle onde della fantasia. / Allora, / rotolano...
 / i sogni / come bocce colorate. / Le tue mani / avidi d'amore, / accolgono... / i
 silenzi / di altre notti. / Gli occhi schiusi... / alla luce / di altri mattini, /
 inseguono la vita, / e come spade scintillanti / affrontano il destino.*